


KODAK
LICENSED PRODUCT

M


Y

C

KODAK Gray Scale



土岐文庫
文庫17
W210
1



文庫 17
W210
1

世說新語補序



余少時得世說新語善
本吳中。移心已好之。每
讀輒患其易竟。又恠是
書僅自後漢終於晉。以

世說新語補

昭和六十年二月二日
土山善庵氏
寄贈



010185190507

為六朝諸君子。邛以持論
 風旨。寧無一二可稱者。最
 後得何氏語。林大桓規
 摹世說。而稍衍之。至元末
 然其事。詞錯出。不雅馴。

要以影嚮者而已。至於世說之所
 長。或造激於單辭。或激巧
 於隻行。或因美以見風。或因
 刺以通質。性使人短詠。而躍
 然長。而未察何氏蓋未之知也。

世說新語補 卷一
 余治燕趙郡國獄少間無事。
 探橐中以藏則二書在焉。因
 稍為刪定。合而見其類。蓋世
 說之六也。不過十之二。而何氏之
 采則不過十之三。年。余居

李云與經
 生清言並
 稱似賤之
 太過王道
 温嶠謝安
 皆清言也
 用之介胃
 何如裁吾
 未見經生
 而介胃者
 也

恒謂宋時經儒先生每譏
 隨清之致亂而不知晉宋
 之于江左一也。驅介胃而強
 生之乎。則母乃驅介胃而
 清之也。其又奚擇矣。

世說新語補

嘉靖丙辰季夏琅琊五世

貞禔

秣陵蔡拱日書

Faint bleed-through text from the reverse side of the page.

世說新語序

易稱書不盡言○ス不盡意○ラ然

則書者言之餘響○ク而言者意

之景測也。是以莫逆之旨恒存

乎相視。糟粕之喻無与○レ於心

傳由百世之下讀其書而歆想
 見其為心不亦遠乎此三言
 者之所以難也晉人雅尚清談
 風流映於後世而臨川王生長
 晉末沐浴浸溉述為此書至

今諷習之者猶能令人舞踊
 若親覩其獻酬儻在當時
 耽樂衛之韶音承殷劉之
 潤響引宮刻羽貫心入脾尚
 書為之含笑予子由斯絕例

世說新語

卷之四

四

不亦宜乎。蓋晉人之談，所謂之
之近意而臨川此書，抑亦書
之近之者也。余幼而酷嗜此
書，中年彌甚，恆著巾箱。
鉛槧數易，常編歛，絕第其

句或勾棘，語近方古，句深則
難斷，語異則難通。積思累
校，小獲疏明，絕乎闕疑，以遵
聖訓。至於孝標一語，博引旁
綜，前無古人。裴君松之，三國志

世說新語 卷之六
註。差得比肩。而頗為俗夫。攬
入井世之談。恨不能盡別淄澠。
時一標出。以洗卯金氏之冤。初
雖閱之帳中。既歎公之炙嗜。
而參知喬公見之。亟相賞鑒。

卽授梓人。爰綴末章。叙不繇
梓。是編也。成吾山之敢謂。二
氏之忠臣。抑庶幾不為風雅
之自幸人乎。

萬曆庚辰秋吳郡王世懋撰

予刻世說豫章舊所病句棘難通者既有倫矣惜也子固雖對之功闕焉撰字疏句往而訛幾於誤入標評小語亦續有得時復循覽而恨其未覈也家兄元美嘗竝何氏語林刪其無當合為一編久乃散落友人張仲立得而嗜之次第脩註而更為訂何氏之乖迤及益其註之未備鉛槧經季殺青滿室會予將之閩中手以相示且請序作者之意予豫章後重校善本不吝授之蓋臨川孝標功緒略當元朗羽翼意亦勤矣昔猶璋判今始珪合予所研覈不寘者將無鄭玄之遇服氏哉若孝標一註疑者屢入中間稍為指摘終未得起斯人于九原令千載泯然也書以復仲立仍具此意相與商求之是歲乙酉初春世懋再識

刻世說新語補序

往余讀世說新語輒手之不釋蓋
臨川王潛居研志耽情墳籍為宗
室之表所愛佳事清言采而書之
當時如太尉袁淑吳郡陸展東海
何長瑜鮑爽諸公引為佐史國臣

世說新語補 序
故紀載周悉劉子孝標學既該博
又好異書從而註之故引證特詳
彼崔慰祖謂爲書淫或於是書有
癖也

國朝何元朗博洽嗜古上遡漢晉
下逮勝國廣爲語林王元美刪其

冗濩存其雅馴者爲世說新語補
敬美自幼酷好是書鑽厲有日于
字句勾棘難通者疏明之于舊註
爲俗子攬入者標出之自謂洗卯
金氏之冤曾刻豫章續有正者復
刻吳郡張仲立校之已爲善本敬

世說新語補 卷之九
美又加指摘其批評視劉辰翁加
詳再刻閩中王汝存校之間序于
不佞因得再讀驚高論于曠代聞
長嘯于異時又何快也若以世說
等孔思尚之語錄而槩爲瑣言比
劉彤之晉紀而都云才短談何容

易受嗤千載吾于劉子玄亦有目
睫之譏云夫何氏羽翼臨川厥功
偉矣乃二王表章合而爲一俾江
左風流紹述東京者千萬世而一
日臨川有知將謂賞音之士寧獨
劉玄靖邪語曰千金之裘非一狐

世說新語補 卷一 序
之腋也余于茲編亦云

萬曆丙戌龜日沔陽陳文燭玉叔

撰

李卓吾批點世說新語補舊序二首

晉人樂曠多奇情故其言語文章別是一色世說可觀已說爲晉作及于漢魏者其餘耳雖典雅不如左氏國語馳騫不如諸國策而清微簡遠居然玄勝槩舉如衛虎度江安石教兒機鋒似沉滑稽又冷類入人夢思有味有情嚙之愈多嚼之不見蓋于時諸公刺以一言半句爲終身之目未若後來人士俛焉下筆始定名價臨川善述更自高簡有法反正之評戾實之載豈

不或有亦當頌之使與諸書並行也晚後淺俗索解人正不可得嗚呼人言江左清談遺事繁繁一老出其遊戲餘力尚足辨此百萬之敵茲非談之宗歟抑吾取其文而非論其人也丙戌長夏病思無聊因手校家本精刻其長註間疏其滯義明年以授梓迺五月既望梓成耘廬劉應登自書其端是爲序

嘗攷載記所述晉人話言簡約玄澹爾雅有韻世言江左善清談今閱新語信乎其言之也臨

川撰爲此書採掇綜叙明暢不繁孝標所注能收錄諸家小史分釋其義詰訓之賞見於高似孫緯略余家藏宋本是放翁校刊本謝湖躬耕之暇手披心寄自謂可觀爰付梓人傳之同好因歎昔人論司馬氏之祚亡於清談斯言也無乃過甚矣乎竹林之儔希慕沂樂蘭亭之集咏歌堯風陶荊州之勤敏謝東山之恬鎮解莊易則輔嗣平叔擅其宗析梵言則道林法深領其乘或詞冷而趣遠或事瑣而意奧風旨各殊人

李云何必如此

有興託王茂弘祖士雅之流才通氣峻心翼王
室又斑斑載諸册簡是可非之者哉詩不云乎
濟濟多士文主以寧余以瑯琊王之渡江諸賢
弘贊之力為多非強說也夫諸晤言率遇藻裁
遂為終身品目故類以標格相高玄虛成習一
時雅尚有東京厨俊之流風焉然曠達拓落隘
觴莫拯取譏世教撫卷惜之此於諸賢不無遺
憾焉耳矣刻成序之嘉靖乙未歲立秋日也吳
郡袁褰撰

世說舊題一首舊跋二首

宋臨川王義慶采擷漢晉以來佳事佳話為世
說新語極為精絕而猶未為奇也梁劉孝標注
此書引援詳確有不言之妙如引漢魏吳諸史
及子傳地理之書皆不必言只如晉氏一朝史
及晉諸公別傳譜錄文章凡一百六十六家皆
出於正史之外記載特詳聞見未接寔為注書
之法右見高氏緯略
右世說三十六篇世所傳釐為十卷或作四十

五篇而未卷但重出前九卷中所載余家舊藏
蓋得之王原叔家後得晏元獻公手自校本盡
去重複其注亦小加剪截最爲善本晉人雅尚
清談唐初史臣修書率意竄定多非舊語尚賴
此書以傳後世然字有譌舛語有難解以它書
證之間有可是正處而注亦比晏本時爲增損
至於所疑則不敢妄下雌黃姑亦傳疑以俟通
博紹興八年夏四月癸亥廣川董弁題
郡中舊有南史劉賓客集版皆廢于火世說亦

不復在游到官始重刻之以存故事世說最後
成因併識于卷末淳熙戊申重五日新定郡守
笠澤陸游書

何氏語林舊序二首

何氏語林三十卷吾友何元朗氏之所編類倣
劉氏世說而作也初劉義慶氏採擷漢晉以來
理言遺事論次爲書標表揚奕奕玄勝自茲
以還稗官小說無慮百數而此書特爲雋永精
深奇逸莫或繼之元朗雅好其書研尋演繹積

有歲年按覽篇籍思企芳躅昉自兩漢迄於胡元上下千餘年正史所列傳記所存奇蹤勝踐漁獵靡遺凡二千七百餘事總十餘萬言類列義例一准劉氏之舊而凡劉所已見則不復出品目昉分雖三十有六而原情執要寔惟語言爲宗單詞隻句往往令人意消思致淵永足深唱歎誠亦至理攸寓文學行義之淵也而或者以爲撫裂委瑣無所取裁骫骳偏駁獨能發藻飾詞於道德性命無所發明嗚呼事理無窮學

奚底極理或不明固不足以探性命之蘊而辭有不達道何從見是故博學詳說聖訓攸先修辭立誠蓄德之源也宋之末季學者牽於性命之說深中厚默端居無爲謂足以涵養性真變化氣質而考厥所存多可議者是雖師授淵源惑於所見亦惟簡便日趨偷薄自畫假美言以護所不足甘於面墻而不自知其墮於庸劣焉爾嗚呼翫物喪志之一言遂爲後學之深痼君子蓋嘗惜之元朗於此真能不爲所惑哉元朗

貫綜深博，文詞粹精，見諸論撰，偉麗淵宏，足目名世。此書特其緒餘耳。輔談式藝要亦不可以無傳也。辛亥四月之望，文徵明書。

華亭何元朗擬劉氏世說作語林，成翰林待詔文公既爲序之以傳矣。又以示師道，俾志其未簡者，予惟世說紀述漢晉以來佳事佳話，以垂法戒，而選集清英，至爲精絕。故房許諸人收晉史者，往往用以成篇。不知唐藝文志何故乃列之小說家。蓋言此書非實錄者，自劉知幾始而不

知義慶去。漢晉未遠，其所述載要自有據。雖傳聞異詞，抑揚緣飾，不無少過。至其言世代崇尚人士風流，百世之下，可以想見。不謂之良史，不可也。豈直與志恠述妖稽神纂異，誣誕恍惚之談類哉。是故齊梁以來，學士大夫恒喜言之。宗工鉅儒，往往爲之註釋綴續，叙錄刪校，尊信益衆。而此書亦益顯。於是有儼之而作唐語林續世說者矣。然或止紀一姓，或僅載數朝，固未及貫綜百代，統論千祀也。其所採擷，亦終不能如

劉氏之精而元朗乃獨上泝西京下逮朔漢悉取其精深玄遠之言瓌詭卓絕之跡聚而陳之而劉氏所遺更加搜抉翦裁屬比嚴約整潔不下前書自非博雅通方之士其孰能與於斯哉抑義慶宗王牧將幕府多賢當時如袁淑陸展鮑照何長瑜之徒皆一世名彥爲之佐吏雖曰筆削自己而檢尋贊潤夫豈無人若元朗則藏器海濱明經應舉而不以帖括佔俾奪所嗜好紬繹會萃不仰同志校之劉氏難易豈啻什百

哉况世說精絕亦由孝標作註詳援確證有不言之妙顧事出一手作述不同而元朗所註乃一時竝撰綱目互發詳略相成開闔貫通一無牴牾至其所引奧篇祕典靡不具列視之劉氏富瞻略等信該洽之鉅觀而文筆之弘致也而說者顧以其多取近世襍家頗傷玄雅而又以鞮譯之士廁之中華夷夏幾不分虎羊之羆爲疑是不知元朗之志在於法戒則不得不兼取久近而具列焉即律蒙古近而可徵蓋所謂商

監秦喻也惡得而舍諸若夫其文則史隨世汗
隆者又安能盡汰之哉元朗之叙言語篇固自
謂玄虛簡遠不得盡同劉氏覽者可自得之矣
元朗著述大方已詳文序予獨論其與世說所
以同異者著之亦以白作者之苦心云爾長洲
陸師道撰

李卓吾批點世說新語補凡例十則

一是書選次悉從瑯琊原本第瑯琊止錄正文而註未及也今以次補入

一原本惟錄正文故已見世說註中而語林復載者什不下二三竝以入選失檢矣今刪之

一劉氏原註可稱詳備何氏致多訛闕想出一人之手獨智難周耳今特彙校遺者補之訛者正之

一劉氏註往往爲義慶補公是以顯古者竝重焉若語林多有事本相屬分爲二科者如劉巴詆張飛崔慰祖稱劉孝標賈逵傷崔浩之類意將示博味乃索然今並合之一編中諸人家世履歷及諸事實以次隨註其已見者不註有未見而詳於後卷者舊例書別見從之有未詳者姑闕以俟

一凡魏晉六朝偏安之主姓字履歷略具註中漢唐宋帝王昭著耳目則略焉俱倣世

說舊例也

一諸人有前稱名字後稱官者或一人三四稱者觀者以次詳視可得矣直恐乍檢無緒摘其尤者別爲釋名附之卷末

一世說豫章本圈釋句讀特便觀者語林則亦依補其中雋語別爲圈點幾於溷矣且語林所無故不復存摘奇咀華各俟乎人一宋劉辰翁校刻世說註稍同異批評多作隱語今王學憲亦多發明並采之標於上

方

一是編校勘亦既借我同志第往往矮子觀
場癡人說夢羣蛙亂聽不得不一筆削李
卓老不辭專制

附釋名

郭泰字林宗 亦稱有道

荀淑字季和 亦稱朗陵

蔡邕字伯喈 亦稱中郎

楊彪字文先 亦稱太尉

曹操字孟德 亦稱曹公 亦稱魏武 亦稱

魏公 亦稱魏太祖

劉表字景升 亦稱荊州

劉備字玄德 亦稱豫州 亦稱先主

張昭字子布 亦稱輔吳

荀彧字文若 亦稱令君

陳羣字長文 亦稱司空

孫策字伯符 亦稱討逆

曹丕 亦稱魏文帝 亦稱五官將

曹植字子建 亦稱臨淄侯

司馬師字子元 亦稱司馬景王 亦稱晉景

王

司馬昭字子上 亦稱司馬文王 亦稱晉文

王

簡文帝昱字道萬 亦稱文帝 亦稱會稽王

亦稱相王 亦稱撫軍

司馬晞 亦稱太宰 亦稱武陵王

司馬道子 亦稱太傅 亦稱會稽王

王祥字休徵 亦稱太保

王渾字玄冲 亦稱司徒 亦稱京陵

王昶字文舒 亦稱司空

裴徽字文季 亦稱冀州 亦稱使君

何晏字平叔 亦稱尚書

鄧颺字玄茂 亦稱尚書

張華字茂先 亦稱張公

裴頠字逸民 亦稱僕射 亦稱成公

陸機字士衡 亦稱平原

陸雲字士龍 亦稱清河

蔡洪字叔開 亦稱秀才

羊祜字叔子 亦稱太傅 亦稱羊公

王衍字夷甫 亦稱太尉

阮籍字嗣宗 亦稱步兵

嵇康字叔夜 亦稱中散 亦稱嵇公

王戎字濬沖 亦稱安豐

山濤字巨源 亦稱司徒 亦稱山公

裴楷字叔則 亦稱裴令 亦稱令公

王乂字叔元 亦稱平北

樂廣字彥輔 亦稱樂令

荀勗字公曾 亦稱濟北

謝鯤字幼輿 亦稱豫章

世說補

付

三

賀循字彥先 亦稱司空

劉寔字子真 亦稱大常

王澄字平子 亦稱阿平

王敦字處仲 亦稱阿黑 亦稱大將軍

王導字茂弘 亦稱阿龍 亦稱丞相 亦稱

王公 亦稱冶城公

庾亮字元規 亦稱庾公 亦稱文康

祖納字士言 亦稱光祿

顏含字弘都 亦稱光祿

王湛字處沖 亦稱汝南

諸葛恢字道明 亦稱諸葛令

謝裒字幼儒 亦稱尚書

庾敳字子嵩 亦稱中郎

庾璿字子躬 亦稱庾公

祖逖字士雅 亦稱車騎

衛玠字叔寶 亦稱虎 亦稱洗馬

周顛字伯仁 亦稱僕射 亦稱周侯

陶侃字士行 亦稱陶公

桓彝字茂倫 亦稱廷尉

殷羨字洪喬 亦稱豫章

褚裒字季野 亦稱褚公 亦稱太傅

殷融字洪遠 亦稱太常

劉惔字真長 亦稱劉尹 亦稱丹陽

王承字安期 亦稱參軍 亦稱東海

韓伯字康伯 亦稱豫章 亦稱太常

許詢字玄度 亦稱阿訥 亦稱許掾

顧和字君孝 亦稱司空

郗鑒字道徽 亦稱太尉 亦稱太傅 亦稱

司空

謝尚字仁祖 亦稱堅石 亦稱鎮西

謝奕字無奕 亦稱安西

謝奉字弘道 亦稱安南

謝安字安石 亦稱太傅 亦稱謝公 亦稱

文靖 亦稱僕射 亦稱侍中

謝萬字萬石 亦稱阿萬 亦稱中郎

王述字懷祖 亦稱藍田 亦稱宛陵

王胡之字脩齡 亦稱阿齡 亦稱司州

王濛字仲祖 亦稱阿奴 亦稱長史

江彪字思玄 亦稱僕射

王微字幼仁 亦稱荆產

孫綽字興公 亦稱長樂

郗愔字方回 亦稱司空 亦稱郗公

桓温字元子 亦稱桓公 亦稱征西 亦稱

大司馬 亦稱宣武

孫盛字安國 亦稱孫監

王羲之字逸少 亦稱右軍 亦稱臨川

荀羨字令則 亦稱中郎

庾翼字稚恭 亦稱征西 亦稱小庾

何充字次道 亦稱驃騎 亦稱揚州

蔡謨字道明 亦稱蔡公 亦稱司徒

阮裕字思曠 亦稱光祿 亦稱阮公

庾冰字季堅 亦稱司空

袁宏字彥伯 亦稱虎

桓冲字玄叔 亦稱車騎

批點世說新語

殷浩字淵源 亦稱阿源 亦稱揚州 亦稱

中軍

陸玩字士瑤 亦稱太尉

郗曇字重熙 亦稱中郎

王脩字敬仁 亦稱荀子

王蘊字叔仁 亦稱阿興 亦稱光祿

謝玄字幼度 亦稱遏 亦稱車騎

王恬字敬豫 亦稱王螭 亦稱阿螭

王洽字敬和 亦稱領軍 亦稱車騎

王薈字敬文 亦稱小奴 亦稱衛軍

謝琰字瑗度 亦稱末婢 亦稱望蔡

桓謙字敬祖 亦稱中軍

謝朗字長度 亦稱胡兒 亦稱東陽

袁山松 亦稱府君

桓伊字叔夏 亦稱子野 亦稱護軍

戴逵字安道 亦稱戴公

王凝之字叔平 亦稱江州

王徽之字子猷 亦稱黃門

世說新語

卷

六

郝恢字道胤 亦稱尚書

王坦之字文度 亦稱中郎 亦稱安北 亦

稱北中郎

王獻之字子敬 亦稱阿敬 亦稱王令

張玄之字祖希 亦稱冠軍 亦稱吳興

王珣字元琳 亦稱法護 亦稱東亭

王珉字季琰 亦稱僧彌 亦稱小令

王忱字佛大 亦稱王大 亦稱阿大 亦稱

建武

桓玄字敬道 亦稱靈寶 亦稱南郡

王廞字伯輿 亦稱長史

殷仲堪 亦稱荊州

王謐字雅遠 亦稱武岡 亦稱司徒

陶潛字淵明 亦稱靖節 亦稱徵士

謝混字叔源 亦稱益壽 亦稱望蔡

謝靈運 亦稱康樂

陸慧曉字叔明 亦稱東海

張融字思光 亦稱黃門

袁粲字景倩 亦稱袁尹 亦稱司徒

褚淵字彥回 亦稱司徒 亦稱太宰

王儉字仲寶 亦稱僕射 亦稱文憲

劉孝綽字孝綽 亦稱阿士 亦稱長史

陶弘景字通明 亦稱隱居 亦稱貞白

法汰 亦稱汰法師

竺法深 亦稱深公

支遁字道林 亦稱林公 亦稱支公 亦稱

支法師 亦稱林道人 亦稱林法師

終

李卓吾批點世說新語補目錄

卷之一

德行上

卷之二

德行下

言語上

卷之三

言語中

卷之四

言語下

政事

文學上

卷之五

文學中

卷之六

文學下

方正上

卷之七

方正下

雅量上

卷之八

雅量下

識鑒

卷之九

賞譽上

卷之十

賞譽下

品藻上

卷之十一

品藻下

規箴上

卷之十二

規箴下

捷悟

夙惠

卷之十三

豪爽

容止

自新

企羨

卷之十四

傷逝

棲逸

卷之十五

賢媛

術解

卷之十六

巧藝

寵禮

任誕上

卷之十七

任誕下

簡傲

排調上

卷之十八

排調下

輕詆上

卷之十九

輕詆下

假譎

黜免

儉嗇

汰侈 忿狷

讒險

卷之二十

尤悔 紕漏

惑溺 仇隙

李卓吾批點世說新語補目錄終

李卓吾批點世說新語補卷之一

宋 劉義慶 撰

梁 劉孝標 注

宋 劉辰翁 批

明 何良俊 增

王世貞 刪定

王世懋 批釋

李 贄 批點

張文柱 校注



世說新語補卷之一

德行上

補

閔仲叔舍菽飲水世稱節士老病家貧不能得肉日買猪肝一片屠者或不肯與安邑令聞之

李云無味又云猪肝一片甚不濟事日腹累入名聲亦醜

勅吏常給焉仲叔怪問其故歎曰閔仲叔豈以口腹累安邑耶遂去客沛

謝承後漢書曰閔貢字仲叔太原人皇甫謐高士傳曰仲叔同郡周黨貞介之士見仲叔食無菜遺之生蒜仲叔曰我欲省煩耳今更作煩耶受而不食○生蒜臭且消食不食有理遺者可笑也必是曾講道學來

補

趙孝以父田禾將軍後漢書註曰田禾將軍屯田北邊任為郎每告歸常白衣步擔嘗從長安還欲止郵

白

亭亭長先時聞孝當過掃灑待之孝既至不白

名長不肯內因問曰田禾將軍子從長安來何時至乎孝曰尋到矣於是遂去范曄後漢書曰趙孝字長平沛

國斲人州郡辟召進退必以禮顯宗聞其行詔拜諫議大夫遷衛尉弟禮為御史中丞禮恭謙行已類於孝帝嘉其兄弟篤行詔禮于

○○○補

朱文季范曄後漢書曰朱暉字文季南陽宛人家世衣冠暉早孤有氣決與張

堪范曄後漢書曰張堪字君游南陽宛人志美行厲世祖召拜郎中歷漁陽太守去職之日乘拆轅車布同縣張於太學中見文季甚重之

把臂語曰欲以妻子託朱生文季不敢對張亾

後聞其妻子貧困自往候視厚賑贍之子怪問曰大人不與堪為友何忽如此文季曰堪嘗有知己之言吾以信於心也

補

高文通居鄉時鄰里有爭財持兵而鬪文通往

解之不已乃脫巾叩頭請曰仁義遜讓奈何棄

之爭者投兵謝罪嵇康高士傳曰高鳳字文通南陽萊人少為書生家以農

畝為業鳳專精訓習妻常之田曝麥於庭令鳳護雞時天暴雨鳳持竿誦經不覺潦水流麥妻還怪問乃省其後遂為名儒

○補 梁伯鸞少孤嘗獨止不與人同食比舍先炊已

好話

呼伯鸞及熱釜炊伯鸞曰童子鴻不因入熱者

也滅燄更燃之范曄後漢書曰梁鴻字伯鸞扶風平陵人受業太學家貧尚節

介博覽不為章句學畢牧豕上林苑中誤遺火延及他舍鴻尋訪燒者悉以豕償之其主猶以

為少鴻曰無他財願以身居作因為執勤不懈鄰家耆老共責讓主人而稱鴻長者始敬異焉

悉還其豕鴻不受而去歸鄉里勢家慕其高節多欲女之鴻並不娶同縣孟氏有女肥醜而黑

力舉石曰鸞對不嫁父母問其故女曰欲得賢如梁伯鸞者鴻聞而聘之始以裝飾入門七日

而鴻不答妻跪牀下請曰竊聞夫子高義簡斥數婦妾亦優蹇數夫今而見擇敢不請罪鴻曰

吾欲裘褐之人可與俱隱深山者今衣綺縠傅粉墨豈鴻所願哉妻曰以觀夫子之志耳乃更

為椎髻著布衣操作而前鴻大喜曰此真梁鴻妻也字之曰德曜名孟光居有頃妻曰常聞夫

王云此介近癡

七古世說新語卷之一

子欲隱居避患今何為默默無乃欲低頭就之乎
 鴻曰諾乃入灞陵山中以耕織為業詠詩彈琴
 以自娛仰慕高士為四皓以來二十四人作頌
 頌因東出關過京作五噫歌曰陟彼北芒兮噫
 顧覽帝京兮噫宮室崔嵬兮噫人之劬勞兮噫
 遠遼未央兮噫肅宗聞而非之乃易姓名居齊
 魯之間有頃去適吳作詩曰遊舊邦兮退征將
 遙集兮東南心憒怛兮傷悴志菲菲兮升降欲
 乘策兮縱邁疾吾俗兮作讒競舉枉兮措直咸
 先佞兮延延固靡慚兮獨建冀異州兮尚賢聊
 逍遙兮遨嬉纒仲尼兮周流儻云觀兮我悅遂
 舍車兮即浮過季札兮延陵求魯連兮海隅雖
 不察兮光貌幸神靈兮與休惟季春兮華阜麥
 舍舍兮方秀哀茂時兮逾邁敗芳香兮日臭悼
 吾心兮不獲長委結兮馬究口置置兮余訕嗟
 惟惟兮誰留至吳依臯伯通居廡下為人賃春
 妻具食辛案齊眉伯通異之曰彼傭能使其妻
 敬之如此非凡人也乃舍之於家鴻潛閉其門

李云伯通亦非常人鴻可謂得所主矣又誰知鴻真烈士乎何

說清高也

十餘篇疾且困告主人曰昔延陵季子葬子於廡
 博之間不歸鄉里慎勿令我子持喪歸及卒伯
 通為求葬地於要離塚傍咸曰要離烈士伯
 伯焉清高可令相近葬畢妻子歸扶風

補范巨卿為荊州刺史謝承後漢書曰范式字巨卿一名汜山陽金鄉人

友人孔仲山家貧奉親變姓名傭為新野縣街

卒范曄後漢書曰孔嵩字仲山南陽新野人為
 公府之京師道宿下亭盜共竊其馬尋問知嵩
 乃相責讓曰孔仲山善士豈宜侵盜送馬謝之
 值巨卿行部縣選仲山為導騎巨卿見仲山驚
 捉臂曰子非孔仲山耶吾昔與子俱曳長裾遊
 息太學吾蒙國恩致位牧伯而子懷道隱身處

於卒伍不亦惜乎仲山曰侯嬴長守於賤業史記

曰魏有隱士侯嬴家貧為大梁夷門監者魏公子欲厚遺之不肯受曰臣修身潔行數十年終不以困故晨門肆志於抱關論語疏曰晨門閭

受公子財晨門肆志於抱關論語疏曰晨門閭

門守者魯人也避世不任自隱姓名為魯守石

門主晨夜開閉子路從孔子石門而宿問子路

曰奚自子路曰自孔氏遂譏孔子曰貧者士之

是知其不可為之者與時人賢焉宜豈為鄙哉巨卿救縣代仲山仲山以先饋未

竟不肯去

補范史雲遭黨錮推鹿車載妻子以楮拾自資兒嘗拾得五斛麥隣人尹臺遺之一斛囑兒不得

卒六無味

通史雲後知即令併送六斛還尹言麥已不成陳誓

不肯受范畢後漢書曰范丹字史雲陳留外黃

激之行桓帝時為萊蕪長遁居梁沛之間所止

單陋有時絕粒窮居自若後辟太尉府以疾不

行年七十卒周子居周乘別見常云吾時月不見黃叔度則鄙吝

之心已復生矣典略曰黃憲字叔度汝南慎陽

出孤鄙父為牛醫潁川荀季和執憲手曰足下

吾師範也後見袁奉高曰卿國有顏子寧知之

乎奉高曰卿見吾叔度邪戴良少所服下見憲

則自降薄悵然若有所失母問汝何不樂乎復

從牛醫兒所來邪良曰瞻之在前忽焉在後所謂良之師也

此點世說新卷之一

○陳仲舉為豫章太守

汝南先賢傳曰陳蕃字仲舉汝南平輿人有室荒蕪

不掃除曰大丈夫當為國家掃天下值漢桓之末闕豎用事外戚豪橫及拜太傅與大將軍竇

武謀誅宦官反為所害海內先賢傳曰蕃為尚書以忠正忤貴戚不得在臺遷豫章太守至

便問徐孺子所在欲先看之

謝承後漢書曰徐孺子豫章南

昌人清妙高時超世絕俗前後為諸公所辟雖

不就及其死萬里赴弔常預祭雞一隻以綿漬

酒中暴乾以裹雞徑到所赴冢隧外以水漬綿

斗米飯白茅為藉以雞置前酌酒畢臨謁即去

不見主簿白羣情欲府君先入解陳曰武王式

商容之間席不暇煖許叔重曰商容殷之賢人

劉康登曰謂陳
欲便看孺子而
去簿欲其候人

禮如

○補徐孺子嘗事江夏黃公後黃公亡孺子往會

葬無資以自致齋磨鏡具自隨所在取直然後

得前范曄後漢書曰黃瓊字世英江夏安陸人

魏郡太守香之子也初以父任為太子舍

人辭病不就五府俱辟不應後將出李固以書

逆遺之歷議郎尚書僕射延熹二年拜太尉封

鄉侯梁冀誅首居公位

○補郭林宗每行宿逆旅輒躬自灑掃及明去後人

至見之曰此必郭有道昨宿處也續漢書曰郭

原界休人秦少孤年二十行學至成臯屈伯彦

精廬乏衣食衣不益形而處約味道不改其樂李

精廬乏衣食衣不益形而處約味道不改其樂李

元禮一見稱之曰吾見士多矣無如林宗者也
及卒蔡伯喈為作碑曰吾為人作銘未嘗不有
慙容唯為郭有道碑頌無愧耳初以有道君子
徵泰曰吾觀乾象人事天之所廢不可支也遂
辭以疾

李元禮風格秀整高自標持欲以天下名教是

非為已任薛瑩後漢書曰李膺字元禮潁川襄
城人抗志清妙有文武雋才遷司隸

校尉為黨後進之士有升其堂者皆以為登龍

門三秦記曰龍門一名河津去長安九百里
水懸絕絕龜魚之屬莫能上則化為龍矣

李元禮嘗歎荀淑鍾皓先賢行狀曰荀淑字季
和潁川潁陰人也所按

韋謁芻牧之中執案刀筆之吏皆為英彥

社人父祖至德著名皓高風承世除曰荀君清

識難尚鍾君至德可師海內先賢傳曰潁川先

陳穉叔穎陰荀淑長社鍾皓少府李膺宗此

陳太丘詣荀朗陵貧儉無僕役陳寔傳曰寔字

人為聞喜令太乃使元方將車先賢行狀曰陳

丘長風化宣流子也至德絕俗與是高名並著而弟譙又配之

季方持杖後從海內先賢傳曰陳譙字季方寔

徵不長文尚小載著車中既至荀使叔慈應門

慈明行酒餘六龍下食張璠漢紀曰淑有八子
儉鯁清肅注爽肅敷淑

七占世說新語卷之一

劉云龍語部
李云何節有

劉云此後何德

居西豪里。縣令苑康曰：昔高陽氏有才子，文若
八人，遂署其里，為高陽里。時人號曰八龍。文若
或別亦小坐著，鄰前于時太史奏真人東行。檀

劉云元注在五
百里內復不可
少

鸞續晉陽秋曰：陳仲弓從諸子姪造荀父
于時德星聚。太史奏五百里賢人聚。

劉云家語

陳元方子長文有英才。魏書曰：陳羣字長文，祖
與吾宗及長，有識度。其所善皆父黨。與季方子孝先，陳氏譜曰：謀
州辟。各論其父功德，爭之不能決，咨於太丘。太

丘曰：元方難為兄，季方難為弟。一作元方難為兄，
荀巨伯遠看友人疾。荀氏家傳曰：巨伯，漢桓帝

劉云巨伯固高
始此賊亦入德行

荀巨伯遠看友人疾。時人亦出，賴川未詳其
值胡賊攻郡，友人語巨伯曰：吾今死矣，子可

之選矣
至云賊語亦佳

去。巨伯曰：遠來相視，子令吾去，敗義以求生，豈

李云有父如此
此可以死

荀巨伯所行邪？賊既至，謂巨伯曰：大軍至，一郡
盡空，汝何男子而敢獨止？巨伯曰：友人有疾，不

忍委之，寧以我身代友人命。賊相謂曰：我輩無
義之人，而入有義之國，遂班軍而還，一郡並獲

全。

華歆遇子弟甚整，雖閒室之內，嚴若朝典。魏志
字子魚，平原高唐人。魏略曰：靈帝時，與北海

劉云寫得可觀

原管寧俱遊學，相善。時號三人為一龍，謂歆為
龍頭，寧為龍腹，原為龍尾。陳元方兄弟恣柔愛之道，而二門

北占廿二說補卷之一

之裏兩不失雍熙之軌焉。

管寧華歆共園中鋤菜朱虛人齊相管仲之後

也。見地有片金管揮鋤與瓦石不異華捉而擲

去之又嘗同席讀書有乘軒冕過門者寧讀如

故歆廢書出看寧割席分坐曰子非吾友也魏

略曰寧少恬靜常笑郝原華子魚有仕宦意及歆

為司徒上書讓寧寧聞之笑曰子魚本欲作老

吏故榮之耳

○補管幼安在遼東隣人有牛暴幼安田幼安牽牛

着涼處自與飲食過於牛主牛主得牛大慙若

犯嚴刑魏志曰寧與華歆郝原俱遊學天

下亂東度虛館候之

華歆王朗魏書曰朗字景興俱乘船避難有一

人欲依附歆輒難之朗曰幸尚寬何為不可後

賊追至王欲舍所攜人歆曰本所以疑正為此

耳既已納其自託寧可以急相棄邪遂攜拯如

初世以此定華王之優劣華嶠譜叙曰歆為下

同志士鄭泰等六七人避世自武關出道遇

丈夫獨行願得與俱皆哀許之歆獨曰不可今

在危險中禍福患害義猶一也今無故受之不

知其義若有進退可中棄乎眾不忍卒與俱行

七古世克甫卷之一

劉云捉擲未嘗其真強生優劣其優劣不在此李云揮鋤不心捉擲亦詐果內忘于懷固無所不可吾未見其孰優孰劣也

劉云閱世而後知其難賴有此

又云管勝華華復勝王人不可

以無辨

李云非直有優劣直君子小人

之殊途也彼開

時愛買好急則不顧蓋自買好時已存此心矣

小人舉事不慮始大矣類此愚

華若此此國家所以罔救賴也

李云且語言勝不能行而已

璧為罪左傳曰庶人無願為之計眾乃各留所

贈華嶠譜叙曰歆淡於財欲前後寵賜諸公莫而不及然終不殖產業陳羣歎曰若華公可謂通而不介矣

○補王叔治七歲喪母母以社日亾來歲隣里修社會叔治感念亾母哀甚初喪隣里為之罷社

曰王修字叔治北海營陵人孔融在北海召修為主簿後舉孝廉融答曰椽清身潔已歷試諸難謀而鮮過惠訓不倦余嘉乃勲應乃懿德用升爾於王庭其可辭乎

○ ○

王祥事後母朱夫人甚謹晉諸公贊曰祥字休徵瑯琊臨沂人祥世

家曰祥父融娶高平薛氏生祥繼室以廬江朱氏生覽覽晉陽秋曰後母數譖祥屢以非理使祥

中覽輒與祥俱又虐使祥婦覽妻亦趨而共之

母患方盛寒冰凍欲生魚祥解衣將剖冰求之會育堅冰小解魚出蕭廣濟孝子傳曰祥後

母忽欲黃雀炙祥念難卒致須臾有數十黃雀飛入其幕母之所須必自外家有一李樹結子

殊好母恒使守之時風雨忽至祥抱樹而泣廣

祥子傳曰祥後母庭中有李始結子使祥晝

視鳥雀夜則趨鼠一夜風雨大至祥抱泣至曉

此點世說新語卷之一

抄黑十言補卷之一

母見之則然祥嘗在別牀眠母自往聞斫之值祥私

起空所得被既還知母憾之不已因跪前請死

母於是感悟愛之如已子虞預晉書曰祥以後

康寔賴玉祥邦國不空別駕之功累遷太保

晉文王稱阮嗣宗至慎每與之言言皆玄遠未

嘗臧否人物魏書曰文王諱昭字子上宣帝第

陳留尉氏人阮瑀子也宏達不羈不拘禮俗究

誠曰昔嘗侍坐於先帝時有三長史俱見臨辭

不治乎並受詔上顧謂吾等曰必不得已而

劉云六十而任
公堂為太保

劉云曠達之人
而稱其至慎也
載復自有見也

於斯三者何先或對曰清固為本復問吾五口對
曰清慎之道相須而成必不得已慎乃為大上
故太尉荀景倩尚書董仲達僕射王公仲上曰
此諸人者至慎者其唯阮嗣宗乎每與之言言及
玄遠而未嘗評論時事
臧否人物可謂至慎乎

王戎晉諸公贊曰戎字濬冲瑯琊人太保祥宗

王戎簡要即俱辟為掾晉踐祚累和嶠晉諸公

遷荆州刺史以平吳功封安豐侯贊曰嶠

字長輿汝南西平人父迥魏太常嶠少以同時

雅量稱賈充每向世祖稱之歷官尚書

遭大喪俱以孝稱王雞骨支床和哭泣備禮晉

秋曰戎為豫州刺史遭母憂性至孝不拘禮制

飲酒食肉或觀棊奕而容貌毀悴杖而後起時

卷登曰言其骨

古今事考卷之一

十一

汝南和嶠亦名士也。以禮法自持。處大

憂。量米而食。然顯頓哀毀不逮。戎也。武帝世

譜曰。世祖武帝諱炎字安世。文帝長子也。禪。謂劉

寬惠仁厚。沉深有度量。咸熙二年。受魏禪。謂劉

仲雄曰。王隱。晉書曰。劉毅字仲雄。東萊掖人。漢

評論之。王公大人望風憚之。僑居陽平。太守杜

恕致為功曹。沙汰郡吏三百餘人。三魏僉曰。但

聞劉功曹不聞杜府君。卿數省王和不聞和哀

累遷尚書司隸校尉。苦過禮使人憂之。仲雄曰。和嶠雖備禮神氣不

損。王戎雖不備禮而哀毀骨立。臣以和嶠生孝

王戎死孝。陛下不應憂嶠而應憂戎。世祖及時

談以此貴戎也。

○補

沐德信少以清介名。魚豢魏略曰。沐並字德信

成阜。吳使諸葛子瑜別見。朱義封。吳志曰。朱

丹陽故鄣人。仕。圍樊城。遣船兵於峴山東斫材

吳為左大司馬。牂牁人作食。有先熟者呼後熟者共食。後熟

者答言不煩。爾呼者曰。汝欲作沐德信邪。魏略

豫作終制。戒其子曰。告雲儀等。夫禮者。生民之

始教。百世之中庸也。故力行則為君子。不務者

終為小人。然非聖人莫能履其從容也。是以富

貴者有驕奢之過。貧賤者幾於固陋。於是養生

送死。苟竊非禮。由斯觀之。陽虎與番。甚於暴骨

柯魁石椁。不如速朽。此言儒學撥亂反正。鳴鼓

矯俗之大義。未是窮理盡性。陶冶變化之實論

也。若能原始。要終。以天地為一區。萬物為芻狗

幾一作譏

該覽玄通。求形景之宗。同禍福之素。死生之命。吾有慕於道矣。夫道之為物。惟恍惟惚。壽為欺魄。天為鬼。沒身淪有。無與神消息。舍悅陰陽。甘夢。太極。奚以棺槨為牢。衣裳為纏。屍繫地下。長幽。桎梏。豈不哀哉。昔莊周濶達。無所適莫。又楊王孫裸體。至夫末世。緣生怨死。徒舍珠繡。以蜃炭。千載僵燥。託類神仙。於是大教陵遲。競以厚葬。謂莊子為放蕩。以王孫為戮屍。豈復識古有衣薪之鬼。而野有狐狸之齒哉。吾以材質。滓濁。汗於清流。今年過耳。順奄忽。無常苟得。獲及。即親道化之靈。祖顧爾。幼昏未。知臧否。若將逐俗。抑廢吾志。為棄父之命。誰或矜之。使死而將屍視。

○補

杜恕著家戒

魏志曰。杜恕字務伯。杜氏新書曰。恕少與馮翊李豐相善。後豐貳。

名行。以要世譽。而恕誕節直意。與豐殊趣。豐顯仕朝廷。恕猶居家。明帝擢拜散騎。轉黃門侍郎。道張子臺。東都人。官至太僕。視之似鄙朴人。然其心中不知天地間何者美好。作人如此。自可不富貴。患禍當何從而來。

○補

皇甫謐

王隱晉書曰。謐字士安。安定朝那人。漢舉孝廉。謐族從皆累世富貴。獨守寒素。所養叔母。歎曰。昔孟母以三徙成子。曾父以烹豕存教。豈我居不上下。鄰何爾。魯之甚乎。修身篤學。自汝得之。於我何有。因對之流涕。謐乃感激。年二十。餘。就鄉里席坦。受書。遭人而問。少有寧日。武帝借其書。二車。遂博覽。太子中庶子議郎徵。並不就。終有從姑子梁柳。為城陽太守。將之官。或勸于家。

就終有從姑子梁柳為城陽太守將之官或勸于家

士安餞之士安曰柳為布衣時過吾吾送迎不

出門食不過鹽菜今送之是貴城陽太守而輕

梁柳非心所安玄晏春秋曰十七年予長七尺四寸矣未通書史與從姑子梁

柳編荆執荻分陳相刺共以為樂

○補南令袁毅在政貪濁饋遺朝貴以營譽晉書曰陳郡袁

毅嘗為南令貪濁而嘗遺山巨源絲百斤巨源

賂遺公卿以求虛譽不欲為異受之命懸之梁後毅事露案驗眾官

更至巨源於梁上得絲已數年塵埃封印如故

虞預晉書曰山濤字巨源河內懷人父曜宛句令濤少有器量年十七宗人謂宣帝曰濤當

王云嵇阮以識推山公此是也

景文共綱紀天下者也帝戲曰卿小族那得此快人耶好老莊與嵇康善為河內從事與石鑿其傳宿濤夜起踰鑿曰今何等時而眠也知太傅臥何意鑿曰宰相三日不朝與尺一令歸策君何慮焉濤曰咄石生無事馬蹄間也投傳而去果有曹爽事遂隱身不交世務累遷吏部尚書僕射太子少傅司徒謚康侯

○補王偉元門生為本縣所役求屬令為脫王曰卿

學不足以庇身吾德不足以庇卿屬之何益乃

步擔乾飯兒負鹽鼓送所役生到縣諸生隨者

千人令以偉元詣已整衣出迎偉元乃下道至

土牛傍罄折立自言門生為縣役故來送別因

李云巧於屬道李之宗祖也倘若逢卓老計不行矣

執手涕泣而去。令即放遣。此生一縣皆以為耻。

王隱晉書曰。王裒字偉元。城陽榮陵人。祖修有名。魏世。裒少立操尚。以父儀為晉文王所害。絕世不仕。立屋墓側。隱居。以教授為務。旦夕常至墓前。朝拜。悲號。斷絕。墓前一柏。裒常所攀。枝葉為之枯。

元文無朝字

○ ○ 梁王趙王 朱鳳晉書曰。宣帝張夫人生梁孝王。形字子微。位至太宰。桓夫人生趙王。

倫字子彝。位至相國。國之近屬。貴重當時。裴令公。贊曰。裴楷字叔則。河東聞喜人。司空秀之從弟也。父徽。冀州刺史。有俊識。楷特精易義。累遷河南尹。中書令。

歲請二國租錢數百萬。以恤中表之貧者。或譏之曰。何以乞物行惠。裴曰。損有餘。補不足。

劉云此語可入佛經註疏。第已奉不足中表恨偏。

天之道也。 名士傳曰。楷行已取與任心而動。毀譽雖至。處之晏然。皆此類。

○ ○ 王戎云。太保居在正始中。不在能言之流。及與之言。理中清遠。將無以德掩其言。 晉陽秋曰。祥少有美德行。

王安豐遭難。至性過人。裴令往弔之。曰。若使一勸果能傷人。濬冲必不免滅性之譏。 曲禮曰。居喪之禮。毀瘠不形。視聽不衰。不勝喪。乃比於不慈。不孝。孝經曰。毀不滅性。聖人之教也。

王戎父渾有令名。官至涼州刺史。 世語曰。渾字長源。有才望。

歷尚書。涼州刺史。渾薨。所歷九郡。義故懷其德。惠相率致賻數百萬。戎悉不受。 虞預晉書曰。戎由是顯名。

劉云晚節乃握牙。鑄李核。

劉云戎從祖語。似同時。王云祥卒於晉初。戎寔曾同時。此評何為者。劉云形容甚至。

○○

祖光祿少孤貧性至孝常自為母炊爨作食王隱

晉書曰祖訥字士言范陽道人九世孝廉訥諸母三兄最治行操能清言歷太子中庶子廷尉

卿避地江南温嶠薦為光祿大夫王平北聞其佳名以兩婢餉

之因取為中郎王又別傳曰父字叔元瑯琊臨沂人時蜀新平二將作亂文帝

尚書出督幽州諸軍事平北將軍有人戲之者

曰奴價倍婢祖云百里奚亦何必輕於五羖之

皮邪楚國先賢傳曰百里奚字井伯楚國人少仕於虞為大夫晉欲假道於虞以伐魏諫

而不聽奚乃去之說苑曰秦穆公使賈人載鹽於虞諸賈人買百里奚以五羊皮穆公觀鹽怪其牛肥問其故對曰飲食以時使之不暴是以肥也公令有司沐浴衣冠之公孫支讓其卿位

王云詳時人之戲以王平北用二婢換得一奴故光祿戲基如此始雖稱祖孝行既乃入於排調李云言語

號曰五殺犬

庾公乘馬有的盧晉陽秋曰庾亮字元規潁川

雅有德量時人方之夏侯太初陳長文之倫侍從父深避地會稽端拱疑然郡人嚴憚之覲接

樂相馬經曰馬白額入口至齒者名曰榆鴈一名的盧奴乘客死或語令賣去語林曰殷浩

主乘棄市凶馬也或語令賣去勸公賣馬庾

云賣之必有買者即復寧其主寧可不安已而

移於他人哉昔孫叔敖殺兩頭蛇以為後人古

之美談賈誼新書曰孫叔敖為兒時出道上見

對曰夫見兩頭蛇殺而埋之歸見其母泣問其故

蛇今安在對曰恐後人見殺而埋之矣母曰夫

李云積做孫叔敖故對達不達

有陰德。必有陽報。爾無憂也。後效之不亦達乎。

鄧攸始避難於道中棄已子全弟子。晉陽秋曰。攸字伯道。

劉云謂擊兒樹上者。其談全姪而甚之也。使其追及任所能行。

平陽襄陵人。七歲喪父母。及祖父母。持重九年。

性清慎。平簡。鄧粲。晉紀曰。永嘉中。攸為石勒所獲。召見。立幕下。與語。說之。坐而飯。馬攸車所止。

與胡人鄰。輒胡人失火。燒車營。勒吏案問。胡誣攸。攸度不可與爭。乃曰。向為若姥作粥。失火延逸。罪應萬死。勒知遣之。所誣胡厚德。攸遺其驢馬。護送令得逸。王隱。晉書曰。攸以路遠。研壞車。以牛馬負妻子。以逃。賊又掠其牛馬。攸語妻曰。吾弟早亡。唯有遺民。今當步走。儻兩兒盡死。不如棄已兒。抱遺民。吾後猶當有兒。婦從之。中興書曰。攸棄兒於草中。兒啼呼。追之。至莫復及。攸明日繫兒於樹而去。遂渡江。至尚書左僕射卒。弟子綏。服。既過江。取一妾甚寵愛。歷年後。訊攸。齊衰三年。

何事於此。言擊者。謂擊兒。又非王云。世難萬不兩全。勢不周旋。則可何為。若擊之。樹必欲殺之。本欲須。卻入高誣。乃令成一大忍人。中與書。私是為不情矣。

其所由。妾具說是北人。遭亂。憶父母姓名。乃攸之甥也。攸素有德業。言行無玷。聞之。哀恨。終身遂不復畜妾。

阮光祿在剡。曾有好車。借者無不皆給。有人葬母。意欲借。而不敢言。阮後聞之。歎曰。吾有車而使人不敢借。何以車為。遂焚之。阮光祿別傳曰。裕字思曠。陳雷尉氏人。祖略。齊國內史。父顛。汝南太守。裕淹通有理識。累遷侍中。以疾。築室會稽剡山。徵金此光祿大夫。不就。年六十一。卒。

李云好客多事

謝奕作剡令。中興書曰。謝奕字無奕。陳郡陽夏人。祖衡。太子少傅。父哀。吏部尚書。

奕少有器鑒。辟太尉掾。有一老翁犯法。謝以醇

王云此不當入風惠邪然在兒年故為感德

酒罰之。乃至過醉而猶未已。太傅時年七八歲。

著青布綌。在兄鄰邊坐。諫曰。阿兄老翁可念。何

可作此。奕於是改容曰。阿奴欲放去邪。遂遣之。

○○

謝太傅絕重褚公。文字志曰謝安字安石。奕弟也。世有學行。安弘粹通遠。溫

雅融暢。桓彝見其四歲時。稱之曰。此兒風神秀徹。當繼蹤王東海。善行書。累遷大保錄尚書事。

贈太常。稱褚季野。雖不言。而四時之氣亦備。晉

秋曰。褚良字季野。河南陽翟人。祖碧安。東將軍父洽。武昌太守。少。有簡貴之風。沖默之稱。累遷。江充二州刺史。贈侍中。大傅。

劉尹在郡。臨終。綿悒。聞閣下祠神鼓舞。正色曰。

李云無味

莫得淫祀。劉尹別傳曰。愔字真長。沛國相人也。晏如也。歷司徒左長史。侍中。丹陽尹。外請殺車

為政務。鎮靜信誠。風塵不能移也。

中牛祭神。真長答曰。丘之禱久矣。勿復為煩。包

論語註曰。禱請也。孔安國曰。孔子素行合於神明。故曰丘之禱久矣。

謝公夫人教兒。問太傅。那得初不見君教兒。答

曰。我常自教兒。謝氏譜曰。安娶沛國劉耽女。梅

劉云使人想見其度益嘆其真。後人務飾曠廢。皆當死。

以禮。而二子不才。並黷貨致罪。子真坐免官。客

所聞見。而不做效。豈嚴訓所變。切

李云還是痛

范宣年八歲。後園挑菜。誤傷指。大啼。人問痛邪。答曰。非為痛。身體髮膚。不敢毀傷。是以啼耳。宣別

傳曰。宣字。宣子。陳留人。漢萊蕪長。范丹後也。年十歲。能誦詩書。兒童時。手傷。改容。家人以其年幼。皆異之。徵太學博士。散騎常侍。並無所就。年五十四卒。宣潔行廉約。韓豫

章遺絹百匹。不受。中興書曰。宣家至貧。罕交人

不。完。欲為改室。宣固辭。羨愛之。以宣貧。加年饑。疾疫。厚餉給之。宣又不受。績晉陽。秋曰。韓伯字。康伯。潁川人。好學。善言理。歷豫章太守。領軍將軍。減五十匹。復不受。如

是減半。遂至一匹。既終不受。韓後與范同載。就

車中。裂二丈。與范云。人寧可使婦無幃邪。范笑。

劉云情真語快

李云韓趣人也
劉云人生至此

足稱寡過更以
尚主為憐耳

而受之。

王子敬病篤。道家上章。應首過。問子敬由來有

何異。同得失。子敬云。不覺有餘事。唯憶與郝家

雞。王。氏。譜。曰。獻之。娶。高。平。郝。曇。女。名。道。茂。後。離。婚。獻。之。別。傳。曰。獻。之。字。子。敬。祖。曠。淮。南。太守。父。羲。之。右。將。軍。咸。寧。中。詔。尚。餘。姚。公。主。遷。中。書。令。卒。

殷仲堪既為荊州。值水儉。食常五盃。盤外無餘

肴。飯粒脫落。盤席間。輒拾以噉之。雖欲率物。亦

緣其性真素。每語子弟云。勿以我受任方州。云

我豁平昔時意。今吾處之不易。貧者士之常焉。

北史世說補卷之一

二十

劉云五益即不
為亦

無過
弘律之不得為

子敬嘗有書遺
故婦辭甚恭宋
平無惡意耳離
婚以去語主

王云此得入德
行者見子敬生

得登枝而捐其本爾曹其存之堪陳郡人太常

融孫也車騎將軍謝玄請為長史孝武說之俄為黃門侍郎自殺袁悅之後上深為憂駕後詰故先出王恭為北藩荊州刺史王忱死乃中詔用仲堪代焉

○ ○

初桓南郡楊廣共說殷荊州宜奪殷覬南蠻以

自樹桓玄別傳曰玄字敬道譙國龍亢人大司馬溫少子也幼童中溫甚愛之命以為嗣

年七歲襲封南郡公拜太子洗馬義興太守不得志少時去職歸其國與荊州刺史殷仲堪素舊情好甚隆周祗隆安記曰廣字德度弘農人楊震後也晉安帝紀曰覬字伯通陳郡人山陰書郎出為南蠻校尉覬性以率易不悟若稱與從弟仲堪俱知名中興書曰初仲堪欲起兵密邀覬覬不同楊廣與弟覬亦即曉其旨嘗因行佯期勸殺覬仲堪不許覬亦即曉其旨嘗因行

亦大善

散率爾去下舍便不復還內外無預知者意色

蕭然遠同鬪生之無愠時論以此多之春秋傳曰楚令尹子文鬪氏也論語曰令尹子文無愠色

桓南郡既破殷荊州收殷將佐十許人咨議羅

○ ○

企生亦在焉玄別傳曰玄克荊州殺殷道護及仲堪參軍羅企生鮑季禮皆仲堪

所親也桓素待企生厚將有所戮先遣人語云若

謝我當釋罪企生答曰為殷荊州吏今荊州奔

亡存亡未判我何顏謝桓公中興書曰企生字宗伯豫章人殷仲

堪初請為府功曹桓玄來攻轉咨議參軍仲堪多疑少決企生深憂之謂其弟遵生曰殷侯仁

世說新語卷之十一

而無斷事必無成。成敗天也。吾當死生以之。及仲堪走。文武並無送者。唯企生從焉。路經家門。遵生給之曰。武並無送者。唯企生從焉。路經家門。馬授手。遵生便牽下之。謂曰。家有老母。將欲何行。企生揮泣曰。今日之事。我必死之。汝等奉養。不失子道。一門之內。有忠與孝。亦復何恨。遵生抱之。愈急。仲堪於路待之。企生遙呼曰。今日死。生是同。願少見待。仲堪見其無脫理。策馬而去。俄而玄至。人士悉請玄。企生獨不往。而營理。仲堪家。或謂曰。玄性猜忌。未能取卿。誠節若遂不請。禍必至矣。企生正色曰。我殷侯吏。見遇以國士。不能共殄醜逆。致此奔敗。何面目就桓求生乎。玄聞怒而收之。謂曰。相遇如此。何以見負。企生曰。使君口血未乾。而生此奸詐。自傷。方劣。不能剪定。凶逆。我死恨晚。爾玄遂斬之。時年三十。有七。眾咸悼之。既出市。桓又遣人問。欲何言。答曰。昔晉文王殺嵇康。別而嵇紹

李云好說好話

王云恨哉此母亦以足傳

為晉忠臣。王隱晉書曰。紹字延祖。父康。紹十歲。敗於蕩陰。百官左右皆奔散。惟紹儼然端冕。從以身衛帝。帝兵交。御輦飛箭。前雨集。遂以見。從

公乞一第以養老母。桓亦如言。宥之。桓先曾以

一羔裘與企生母胡。胡時在豫章。企生問至。即

曰焚裘。

王恭從會稽還。周祗隆安記曰。恭字孝伯。太原

流標望。父蘊。鎮軍將軍。亦得世譽。恭別傳曰。恭

清廉貴峻。志存格正。起家著作郎。歷丹陽尹。中

書令。出為五州都督。前王大看之。大。晉安帝紀。佛

將軍。青兗二州刺史。王忱字元達。平北將軍。坦之弟。四子也。甚得名。於當世。與族子恭少相善。齊聲見稱。仕至荊州

七占世說新語卷之十一

三十一

劉云無筵無蓐
有識者庶
又云謂只有一
席無餘席也

史刺見其坐六尺筵因語恭卿東來故應有此物
可以一領及我恭無言大去後即舉所坐者送
之既無餘席便坐薦上後大聞之甚驚曰吾本
謂卿多故求耳對曰丈人不悉恭恭作人無長
物

季云此孝子真

○吳郡陳遺家至孝母好食釜底焦飯遺作郡主
簿恒裝一囊每煮食輒貯錄焦飯歸以遺母後
值孫恩賊出吳郡晉安帝紀曰孫恩一名靈孫
以謀叛誅恩逸逃於海上聚眾十萬人攻袁府
沒郡縣後寇臨海太守辛景斬首送之

密之多此細事
高得宛至更有
不厭

君山松別見即日便征遺已聚斂得數斗焦飯未展
歸家遂帶以從軍戰於淝濱敗軍人潰散逃走
山澤皆多饑死遺獨以焦飯得活時人以爲純
孝之報也

吳道助附子兄弟居在丹陽郡後遭母童夫人

艱道助坦之小字附子隱之小字也吳氏譜曰
坦之字處靖濮陽人仕至西中郎將功曹其父
堅娶東苑童朝夕哭臨及思至賓客弔省號踊
儉女名秦姬

哀絕路人爲之落淚韓康伯時爲丹陽尹母殷
在郡每聞二吳之哭輒爲悽惻語康伯曰汝若

劉一本爲二吳
若行而韓母在
焉善觀人者也

為選官當好料理此人康伯亦甚相知韓後果

為吏部尚書大吳不免哀制小吳遂大貴達

鄭孝子傳曰隱之字處默少有孝行遭母喪哀毀

過禮時與太常韓康伯隣居康伯母揚州刺史

殷浩之妹聰明婦人也隱之每哭康伯母輒輟

事流涕悲不自勝終其喪如此謂康伯曰汝後

若居銓衡當用此輩人後康伯為吏部尚書乃

進用之晉安帝紀曰隱之既有至性加以廉潔

奉祿頒九族冬月無被相玄欲革嶺南之敝以

為廣州刺史去州二十里有貪泉世傳飲之者

其心無厭隱之乃至水上酌而飲之因賦詩曰

石門有貪泉一飲重千金試使夷齊飲終當不

易心為盧循所攻還京師歷尚書領軍將軍晉

中興書曰舊云往廣州飲貪泉失廉潔之性吳

隱之為刺史自酌貪泉

飲之題石門為詩云云

王云隱之孝廉
乃為桓玄吏人
無完行

李云無味

補郭文舉入吳興餘杭山窮谷中倚木於樹苦覆

而居都無壁障餘杭令顧颺贈以韋袴褶一具

文舉不納使者置室中而去乃至衣爛竟不服

用王隱晉書曰郭文字文舉入餘杭山蘇峻未

亂之前徙臨安山中臨安令萬寵迎眷縣中

養病及峻破餘杭臨安如故人始異之自後不

復語但舉手以宣其意病甚寵問先生可復得

幾日文三舉其手

果以十五日終

補

李云石奴亦可

謝石奴晉書曰謝石字石奴丞相安之弟請吳

隱之為衛將軍主簿隱之將嫁女謝知其貧潔

遣女必當率薄乃令移厨帳助其經營使者至

李云不惜甚

方見一婢牽犬賣之。此外蕭然無辦。

○補 汜毓家世敦睦。客居青州。逮毓七世。人號其家。

兒無常。父衣無常。主。晉中興書曰。汜毓字稚春。北海盧人。

補 王悅之少厲清操。為吏部郎時。隣省有會同者。

李云畢竟是嫌

遺之餅一甌。辭不受。曰。所費誠復小小。然少來。

不欲當人之惠。晉中興書曰。王悅之字少明。祖

史。悅之少厲清操。亮直有風格。為吏部郎。

李卓吾批點世說新語補卷之一

李卓吾批點世說新語補卷之二

宋 劉義慶 撰

梁 劉孝標 注

宋 劉辰翁 批

明 何良俊 增

王世貞 刪定

王世懋 批釋

李 贄 批點

張文柱 校注

德行下 俱屬補

補

王令明兄鑒頗好聚斂廣營田業令明意甚不

同嘗謂鑒曰尊何用田為鑒曰無田何由得食

令明曰亦復何須得食南史曰王惠字令明瑯琊人祖劭車騎將軍父

默左光祿大夫惠幼而夷簡為叔父司徒謚所知恬靜不妄交遊未嘗有雜事宋武帝聞其名以問其從兄誕誕曰惠後來秀令鄙宗之美也

補

王僕射宋書曰王敬弘瑯琊臨沂人本名裕避高祖諱故稱字曾祖廩晉驃騎將軍祖

胡之司州刺史父茂之晉陵太守敬弘少子恢有清尚起家本國左常侍歷官至僕射子恢

之南史曰恢之敬弘長子被召為祕書郎僕射

為求奉朝請語恢之曰祕書有限故有競朝請

無限故無競吾欲使汝處不競之地太祖嘉而

許之宋書曰太祖文帝諱義隆高祖第三子

補

孔中丞在都第道存為江夏內史時東土旱儉

都下米貴道存慮中丞貧乏遣吏載五百米餉

之中丞呼吏語曰我在彼三載去之日不辦有

路糧郎至未幾何緣得有此米可載還吏白白

古無有載米上水者中丞不聽竟載還江夏宋書

曰孔顛字思遠會稽山陰人祖琳之贈太常父

邈揚州治中顛骨鯁有風力以是非為已任口

此點世說補卷之二

抄黑十言補卷之二

吃。好讀書。舉秀才。補主簿。官至御史中丞。道存官至南海太守。

○ ○ 補

朱百年家貧母以冬月亾衣竝無絮百年自此

不衣綿帛嘗寒時就孔思遠宿衣悉袂布飲酒

醉眠思遠以臥具覆之百年初不知既覺引去

謂思遠曰綿定奇溫因流涕悲慟思遠亦為感

泣南史曰朱百年會稽山陰人祖凱之晉左衛將軍父濤揚州主簿百年少有高情親亡攜

妻孔氏入會稽南山伐藥採茗為業以藥茗置道頭輒為行人所取明且已復如此人稍怪之

稍久知是朱隱士所賣須者隨其多少留錢而去頗言玄理為詩有高勝之言與同縣孔顯友

善俱嗜酒輒酣對盡歡

至自然動人

○ 補

劉凝之隱居荊州適歲儉衡陽王

宋書曰衡陽王義季幼而

夷簡無鄙近之累特為太祖所愛餉錢十萬凝之大喜持錢至

市門見有飢色者悉分與之俄頃都盡

酈道元水經註

曰劉凝之字志安兄盛公高尚不仕凝之慕老萊嚴子陵之為入立屋江湖非力不食妻梁州

刺史郭全女亦能安貧元嘉中夫妻隱於衡山南史曰凝之字隱安

○ 補

齊高帝鎮東府

齊書曰高帝姓蕭氏諱道成初仕宋以功封齊公竟代宋在位

四時虞玩之為少府躡屐造席高帝取屐視之

訛黑斜銳莫斷以芒接之因問卿此屐已幾載

玩之曰初釋褐時買之著已三十年高帝咨嗟

北史世說補卷之二

三

因為贈履玩之不受問其故答曰公之賜恩華俱重但遺簪敝履復不可遺帝稱善久之南史曰虞

玩之字茂瑤會稽餘姚人少閑刀筆汎涉書史好臧否人物元徽中為尚書右丞

○補

謝玄暉好獎人才蕭子顯齊書曰謝朓字玄暉陳郡人少有美名文章清麗

解褐豫章王行參軍稍遷尚書吏部郎江會稽初等謀立始安王遙光朓不肯收下獄死

孔閻麓有文筆未為時人所知孔稚圭德璋別見嘗

令草讓表以示玄暉玄暉嗟歎良久自折簡寫

之語稚圭曰是子聲名未立應共獎成無惜齒

牙餘論

○補

陸慧曉為晉熙王長史南史曰晉熙王錄僚佐

造見必起送之或語云長史貴重不宜妄自謙

屈陸曰我性惡人無禮不容不以禮處人又未

嘗卿士大夫或問其故陸曰貴人不可卿而賤

者乃可卿人生何容立輕重於懷抱南齊書曰陸慧曉字

叔明吳郡吳人高祖玩晉太尉祖萬載侍中父子真元嘉中海陵太守慧曉清介正立不雜交遊同郡張暢見其童幼便嘉異之張思曼亦曰此江東裴樂也

○補

阮長之為中書郎直省夜往隣省誤着屐出閣長之依事自列門下以闇夜人不知不受列狀

長之固遣送曰長之一生不侮閭室南史曰阮

茂。一字善業。陳留尉氏人。祖裕。晉光祿大夫。父普。驃騎將軍。長之除臨海太守。在官常擁敗絮。先是郡中田祿以芒種為斷。此前去官。則一年秩祿皆入後人。長之去武昌。代人未至。以芒種前一。日解印綬。去。時論多之。

裴始安在郡還甚貧罄世祖南史曰齊武帝諱

○補 裴始安在郡還甚貧罄世祖南史曰齊武帝諱

子曰裴昭明罷郡歸遂無宅我不諳書不知古

人中誰比南齊書曰裴昭明河東聞喜人宋太

昭明少傳儒史之業永明中使虜世祖曰卿有將命之才當以一郡相賞還為始安內史。

○補 昭明太子姚思廉梁書曰昭明太子蕭統字德

年三十與諸賢汎舟玄圃池有盛稱此中宜奏

女樂太子初無言但詠左太冲招隱詩曰何必

絲與竹山水有清音左思

○補 張思光給假東出蕭子顯齊書曰張融字思光

有名。世祖問卿住在何處答曰臣陸處無屋舟

居非水後日上以問其從兄思曼思曼曰融近

東出未有居止權牽小船於岍上住南史曰張

父演宋太子中舍人緒少知名清簡寡欲從伯

倉部郎。都令史。

世說新語卷之二

補明山賓初臨青州所部平陸縣歲儉啓倉出米

以贍貧民後刺史以山賓為耗闕有司追責籍

其宅入官山賓默不自理更市地造宅梁書曰明山賓

字孝若平原南人父僧紹隱居不仕山賓七歲

能言玄理十三博通經傳居喪盡禮服闋州辟

從事史起家奉朝請累遷中書侍郎劉璠梁典

曰梁昭明太子聞山賓築室不就令曰明祭酒

出撫大藩擁旌推轂珥金拖紫而

恒事屢空聞構宇未成今送薄助

○補

庾子輿南史曰子輿字孝卿南陽新野人父城

鶴來下子輿幼而岐嶷五歲讀孝經手不釋卷

或曰此書文句不多何用自苦答曰孝者德之

本何謂父卒官巴西南史曰庾城為巴西梓潼

不多

守糧盡將士齒草供奉喪歸至巴東涇預石瞿

食無有離心卒於官

塘大灘秋水猶壯水經注云白帝山城水門之

水東逕廣谿峽乃三峽首也峽中有子輿撫心

瞿塘黃龍二灘夏水回復浴沂所息

長叫其夜水忽減退安流而下既渡水壯如舊

時人為之語曰涇預如襍本不通瞿塘水退為

庾公古樂府灑灑歌曰灑灑

傳茂遠泊然靜處不妄交遊南史曰傳昭字茂

司隸校尉咸七世孫蒞官常以清靜居

朝廷無所請謁普通五年為散騎常侍袁司徒

也父濯早卒祖母哀其幼孤名之曰愍孫好學

李六水退安流固為子輿亦為庾城

○補

北帖世說新語卷之二

有牙。清整持風操。著妙德。先生傳。以自况。嘗慕荀奉倩。改名為粲。字景倩。齊王功德既重。天命有歸。粲以身受顧託。不每經其戶。輒歎曰。經其欲事二姓。由是遇害。每經其戶。輒歎曰。經其戶。寂若無人。披其帷。其人斯在。豈得非名賢。

補

顧常侍清介持操。南史曰。顧協字正禮。吳郡吳人。晉司空和六世孫。少有志操。內弟張率薦於武帝。帝問協。年。率言。三十五。帝曰。北方高涼。四十強任。南方卑濕。三十便衰。如協便為已老。但其事親孝。與友信。亦不可遺於草澤。於是。以協為太常博士。終散騎常侍舍人。為廷尉正。時冬。服單薄。寺卿蔡子度。宋書曰。子度。濟陽考城人。曾祖祖謨。晉司徒祖利。撫軍長史。父繼。司徒左西屬。鄆博涉羣書。言行以禮。起家著作佐郎。以方鯁閑素。為高祖所知。歷官參軍。太尉從事中郎。謂人曰。我欲

解身上襦。與顧郎恐顧郎難衣食者。竟不敢遺之。

○補

李德林父校書亡時。正嚴冬。單衰徒跣。自駕靈輿。反葬博陵。豪族崔謨者。休假還鄉。將赴弔德

林。從者數十騎。稍稍減留。比至德林門。纔餘五

騎。云不得令。李生怪人。熏灼。隋書曰。李德林字。公輔。博陵安平人。

父敬族。太學博士。德林幼聰敏。數歲誦左思蜀都賦。十日便度。十五誦五經。古今文。日數千言。該博墳典。陰陽緯候。無不通涉。善屬文。詞麗而理暢。隋文帝時。為相府屬。加儀同大將軍。

○補

李汧公少貧。客游梁宋。與諸生共逆旅。諸生病

王云李約是汧
公子途遇賈胡
事尤奇可謂世
有盛德

且死出白金語公曰左右無知者幸君以此葬
此以不知汧公
我餘則君自取之公許之既葬密置餘金棺下
劉昫唐書曰李

後其家來謁共啓墓出金付之
元懿曾孫幼勤經史長而沉雅清峻德宗朝以
司徒平章事一日上謂勉曰衆人皆言盧杞姦
邪朕何不知對曰天下皆知其姦邪獨陛下不
知所以為姦邪也時人多其正直勉坦率素淡
好古尚奇清廉簡易為宗臣之表善鼓琴好屬
詩在相位二十一年祿俸皆遺親黨身沒無私積
其在天官禮賢下士以李巡張參為判官卒於
幕三歲之內每遇宴飲必設虛位於筵次陳膳
執酌辭色凄
惻論者美之

○補

李師古跋扈

唐書曰師古淄青節度使李納之子

憚杜黃裳為相

未敢失禮命一幹吏寄錢數千緡并羶車子一

乘使者未敢遽送於宅門伺候累日有綠輿出

從婢二人青衣纏縷言是相公夫人使者遽歸

以告師古師古折其謀終身不敢改節
劉昫唐書曰杜

黃裳字遵素京兆杜陵人登宏辭科杜鴻漸深
器重之為郭子儀朔方從事貞元二年為檢校
尹封郊國公

○補

陽城歲饑屏跡不過隣里屑榆為粥講論不輟

有奴都兒化其德亦方介自約或哀其餒與之

食不納後致糠覈數杯乃受
宋祁卓行傳曰陽城字亢宗定州北

平人好學貧不能得書求為吏隸集賢院竊院書讀之晝夜不出戶六年無所不通去隱中條山與弟塔城常易衣出後為諫議大夫以沮裴延齡相出為道州刺史

補

楊憑得罪唐書曰楊憑字虛受弘農人官湖南弟疑交相友愛皆有時名重交游尚然諾與穆質許孟容李鄘王仲舒為友稱楊穆許李之友性簡傲不能接下人多怨之及歷三鎮姻友無尤事奢侈為李夷簡所劾責授臨賀尉

敢送者獨徐晦送至藍田唐書曰徐晦進士擢薦及憑得罪交親無敢祖送獨晦送至藍田不數日御史中丞李夷簡請為監察晦曰夷簡曰君生平不踐公門公何取而見獎拔夷簡曰聞權載之謂徐君誠厚楊臨賀無乃為累乎徐曰晦

李云夷簡甚重

自布衣時楊知我厚方茲流播寧忍無言而別有如公為姦佞譖斥敢自同路人乎載之歎其長厚唐書曰權德輿字載之天水略陽人父臯異志詐死逃由是名聞後以禮部尚書平章事詩七歲居父喪以孝聞後以禮部尚書平章事元至元和三十年間羽儀朝行直亮寬恕作特盛六經百氏游泳漸清其文雅正而弘博王侯將相洎當時名人薨歿以銘記請者什八九時為宗匠焉

補

羅可性度寬宏嘗有竊刈其園蔬者適遇見却避草間以俟其去又有攘殺其雞者可攜壺就

李公是法

之曰與子同里間不能烹雞以待子我誠自愧

呼其妻孥環坐盡醉而歸人由是相誠無犯

○補

蘇長公卜居陽羨以五百緡買一宅將入居偶

夜行聞老婦人哭極哀公問嫗何為哀傷如是

嫗言舊居相傳百年一旦訣別所以泣也問其

居所在正五百緡買者即取屋券焚之不索其

值遂還毘陵不復買地

東都事略曰蘇軾字子瞻眉山人生十歲而父洵宦學四方母程氏授以書比冠學通經史屬文日數千言中進士乙科英宗朝直史館

李公真

熙寧中謫黃州團練折宗召為翰林學士紹聖初御史論軾譏斥先朝落職惠州安置

言語上

○補漢哀帝問鄭尚書崇卿門何以如市對曰臣門

如市臣心如水

班固漢書曰鄭崇字子游高密郡文學士史大司馬傳喜薦擢尚書僕射數見諫

邊文禮

文士傳曰邊讓字文禮陳留人才儁辯逸大將軍何進聞其名召署令史以禮見之讓占對閑雅聲氣如流坐客皆慕之讓出就曹時孔融王朗等並前為掾共書刺從讓讓平衡與交接後為九江太守為魏武帝所殺

劉云奉高如此不足道

世說新語卷之二

世說新語卷之二

高慎陽人友黃叔度於童齒薦失次序奉高曰

昔堯聘許由面無怍色皇甫謐曰由字武仲陽

而學事焉後隱於沛澤之中堯乃致天下而讓

焉由為人據義履方邪席不坐邪簪不食聞堯

讓而去其友巢父聞由為堯所讓以為汚已乃

臨池洗耳池主怒曰何以汚我水由於是遁耕

於中嶽潁水之陽箕山之下終身無經天下色

死葬箕山之巔在陽城之南十里堯因就其墓

號曰箕山公神以配食五先生何為顛倒衣裳

文禮答曰明府初臨堯德未彰是以賤民顛倒

衣裳耳按袁閔卒於太尉掾未嘗為汝南斯說謬矣

○補鄭康成人八世祖崇哀帝時尚書僕射玄遇

錮隱居著述凡百餘萬言大將軍何進辟之乃

緘掖相見玄長八尺餘鬚眉美秀姿容甚偉進

待以賓禮授以几杖玄多所匡正不用而退玄

紹辟玄及去錢之城東欲玄必醉會者三百餘

人皆離席奉觴自旦至暮度玄必飲三百餘杯而

溫克之容終日無急獻帝在許都徵為大司農

行至元在冀州坐袁山松後漢書曰袁紹字

之庶子出後伯父成英雄記曰紹不妄通賓客

非海內知名不得相見又好游俠與張孟卓何

伯求吳子卿許子遠時汝南應劭亦歸於袁東

伍德瑜為奔走之友漢記曰應劭字仲遠汝南南頓人父因起自贊

奉司隸校尉劭少便篤學博覽多聞因起自贊

曰故泰山太守應仲遠北面稱弟子何如鄭笑

曰仲尼之門考以四科回賜之徒不稱官閥應

劉云奉高見

世以堯聘許由目比亦非

劉云又添一怪

世說新語卷之二

十一

有慚色。

○○補

曹公

魏志曰曹操字孟德沛國譙人少機警有

太祖武

以楊太尉范曄後漢書曰楊彪字文先

皇帝

乘太尉父賜司空彪少傳家學以博習舊

聞公車徵拜議郎中平中代黃琬為司空與袁

公路婚將誣以同逆

南汝陽人司空逢之子後

僭號于

孔文舉范曄後漢書曰孔融字文舉魯

父尚鉅鹿太守父宙泰山都尉融家傳也高祖

及朝報往見曹曰楊公四世清德海內所瞻

漢書曰東京楊氏袁氏累世宰相為漢名族然

李云北海何如人哉

不及楊

周書父子兄弟罪不相及

左傳曰康誥

不祇兄不友弟

况以袁氏歸罪楊公易稱積善

餘慶徒欺人耳

易坤卦之傳曰積善之家必

之意文舉曰假使成王殺召公周公可得言不

知耶

彌衡被魏武謫為鼓吏正月半試鼓衡揚袍為

漁陽搯槓淵淵有金石聲四坐為之改容

字正平原般人也文士傳曰衡不知先所出

逸才飄舉少與孔融作爾汝之交時衡未滿二

十融已五十敬衡才秀共結殷勤不能相違以

建安初北游融數與武帝牋稱其才帝傾心欲

李云北海何如人乎

劉云只知世說
自可增入脫衣
無當但當要者
右前核是苦
彼裝吏多交豈
必在前
劉云倉卒為操
掩羞固當有此
李云妙妙
劉云孔語唐卒
為據掩羞固當
有此

見衡稱疾不肯往而數有言論帝甚忿之以其
才名不殺圖欲辱之乃令錄為鼓吏後至八月
朝會大闕試鼓節作三重閣列坐賓客以帛絹
製衣作一岑車一單絞及小幘鼓吏度者皆當
脫其故衣着此新衣次傳衡衡擊鼓為漁陽慘
絕地來前躡蹠蹠足容態不常鼓聲甚悲音
節殊妙坐客莫不怆慄知必衡也既度不肯易
衣吏呵之曰鼓吏何獨不易服衡便止當武帝
前著單絞後乃著幘畢復擊鼓慘惻而去顏色
無作武帝笑謂四坐曰本欲辱衡衡反辱孤
至今有漁陽慘惻自衡造也為黃祖所殺孔
融曰禰衡罪同胥靡不能發明王之夢皇南謚
紀曰武丁夢天賜已賢人使百工寫其像求諸
天下見築者胥靡衣褐於傅巖之野是謂傅說
張晏曰胥靡刑名胥靡也魏武慚而赦之
靡從也謂相從坐輕刑也

王云按漢書是
傳有殺人者同
縣楊吏以疑寔
縣遂逮繫考掠
無實而後得出
正與此合豈正
史亦東野之言
上恐亦非孝標
法也

穎川太守髡陳仲弓按寔之在鄉里州郡有疑
到而情首或中途改辭或託狂悖若曰寧為刑
戮所苦不為陳君所非豈有盛德感人若斯之
甚而不自衛反招刑辟殆不客有問元方府君
然乎此所謂東野之言耳
何如元方曰高明之君也足下家君何如曰忠
臣孝子也客曰易稱二人同心其利斷金同心
之言其臭如蘭王與注繫辭曰金至堅上矣同心
者物無不樂也何有高明之君而刑忠臣孝子
者乎元方曰足下言何其謬也故不相答客曰
足下但因偃為恭而不能答元方曰昔高宗放

孝子孝已帝王世紀曰殷高宗武丁有賢子孝已其母蚤死高宗惑後妻之言放之

而死天尹吉甫放孝子伯奇琴操曰尹吉甫周下哀之

死更娶後妻生子曰伯翳乃謫伯奇於吉甫於

是放伯奇於野宣王出遊吉甫從伯奇乃作歌

以言感之宣王聞之曰此孝子之辭董仲舒放

孝子符起唯此三君高明之君唯此三子忠臣

孝子客慚而退

荀慈明與汝南袁閔相見荀爽一名譚漢南紀曰諳文章典籍無不

涉時人諺曰荀氏八龍慈明無雙潛處篤志徵聘無所就張璠漢紀曰董卓秉政復徵爽爽欲遁去吏持之急起布衣問潁川人士慈明先及

李云好言語

三無味

諸兄閔笑曰士但可因親舊而已乎慈明曰足

下相難依據者何經閔曰方問國士而及諸兄

是以尤之耳慈明曰昔者祁奚內舉不失其子

外舉不失其讐以為至公春秋傳曰祁奚為中軍尉請老晉侯問嗣

焉稱解狐其讐也將立之而卒又問焉對曰午

也可其子也君子謂祁奚可謂能舉善矣稱其讐不為諂立公旦文王之詩不論堯舜之德而

頌文武者親親之義也春秋之義內其國而外

諸夏且不受其親而愛他人者不為悖德乎

南郡龐士元聞司馬德操在潁川故二千里候

之至遇德操采桑士元從車中謂曰吾聞丈夫
處世當帶金佩紫焉有屈洪流之量而執絲婦
之事蜀志曰龐統字士元襄陽人少時樸鈍未
冠往見徽徽采桑樹上坐士元樹下共語自晝
至夜徽異之曰生當為南州士人之冠冕由是
漸顯襄陽記曰士元德公之從子也年少未有
識者惟德公重之年十八使往見德操與語歎
曰德公誠知人實盛德也後劉備訪世事於德
操德操曰俗士豈識時務此間自有伏龍鳳雛
謂諸葛孔明與士元也華陽國志曰劉備引士
元為軍師中郎將從攻洛為流矢所中卒時年
三十一德操曰司馬徽別傳曰徽字德操潁川陽
人性暗必善善人乃括囊不談議時人有以人物
問徽者初不辨其高下每輒言佳其婦諫曰人

質所疑若宜辨論而皆言佳豈人所以次也若
之意乎徽曰如君所言亦復佳其婉約遜遁如
此嘗有妄認徽者便推與之後得其豬叩頭
來還徽又厚辭謝之劉表子琮往候徽遣問在
不會徽自鋤園琮左右問司馬君在耶徽曰我
是也琮左右見其醜陋罵曰死傭將軍諸郎欲
求見司馬君汝何等田奴而自稱是耶徽歸刈
頭著憤出見琮左右見徽故是向老翁恐何琮
道之琮起叩頭辭謝徽乃謂曰卿真不可然吾
甚羞之此自鋤園唯卿知之耳有人臨蠶求
泊者徽自棄其蠶而與之或曰凡人捐已以贖
人者謂彼急我緩也今彼此正等何為與人徽
曰人未嘗求已求之不與將慚何有以財物令
人慚者人謂劉表曰司馬德操奇士也但未遇
耳表後見之曰世間人為妄語此直小書生耳
其智而能愚皆此類荆州破為曹操所得操欲
其病死子且下車子適知邪徑之速不慮失道

云云妙

之迷昔伯成耦耕不慕諸侯之榮莊子曰堯治天下伯成子

高立為諸侯禹為天子伯成辭諸侯而耕於野禹往見之趨就下風而問焉子高曰昔堯治天下不賞而民勸不罰而民畏今子賞罰而民且不仁德自此衰刑自此立夫子盍行邪毋落吾

事原憲桑樞不易有官之宅家語曰原憲字子思宋人孔子弟子

居魯環堵之室茨以生草蓬戶不完桑樞而瓮牖上漏下濕坐而弦歌子貢軒車不容巷往見

之曰先生何病也憲曰憲聞無財謂之貧無行謂之病今憲貧也非病也夫希世而行

比周而友謂之病今憲貧也非病也夫希世而行義之愚與馬之飾憲不忍為也

何有坐則華

屋行則肥馬侍女數十然後為奇此乃許父許

巢父逸士傳曰巢父者堯時隱人山居不營所世利年老以樹為巢而寢其上故號巢父

以忼慨夷齊所以長歎孟子曰伯夷叔齊目不視惡色耳不聽惡聲與

鄉人居若在塗炭雖有竊秦之爵千駟之富

蓋聖人之清也

考曰呂不韋為秦子楚行千金貨於華陽夫人請立子楚為嗣及子楚立封不韋洛陽十萬戶

號文信侯以詐獲爵故曰竊也論語曰齊景公有馬千駟民無德而稱焉孔安國曰千駟四千

匹不足貴也士元曰僕生出邊垂寡見大義若

不一叩洪鐘伐雷鼓則不識其音響也

○補曹公既殺楊德祖張隆文士傳曰楊脩字德祖父彪漢太尉脩辟丞相府主

簿少有才策為曹操所忌以罪見殺後與太尉遇於朝堂曹問太尉公何瘦之甚太尉答曰愧無日磾先見之明

班固前漢書曰金日磾子二人武帝所愛以為弄兒其後弄兒壯大不謹自殿下與宮人戲日磾適見之惡其淫亂遂殺弄兒猶懷老牛舐犢之愛曹公為之改容

補

許汜襄陽者舊傳曰許汜是楊慮同里人少師慮為魏武從事中郎昔在劉表坐論陳元龍者其與劉玄德續漢書曰劉備字玄德涿郡人也後在劉荆州坐英雄記曰劉表字景升山陽牧身長八尺姿貌温偉共論人物許曰陳元龍與張儉等號為小顧謝承後漢書曰陳登字元龍下邳淮浦人學通古今處身循禮非法不行性兼文武有雄姿異略領廣陵太守玄德問許君言豪

劉云狂宜有此言公不得不開

寧有事耶許曰昔遭亂過下邳見元龍無客主之意不相與語自上大牀臥使客臥下牀玄德曰君有國士之名今四海橫流帝王失所而無救世之意求田問舍言無可採是元龍所諱也何緣當與君語如我自臥百尺樓上臥君於地下何但上下牀之間哉劉公幹以失敬罹罪典略曰劉楨字公幹東平為五官中郎將妙選文學使楨隨侍太子酒酣坐歡乃使夫人甄氏出拜坐上客多伏而楨獨平視他日公聞乃收楨減死輸作部文士傳曰楨性辯捷所問應聲而答坐平視甄夫人配輸此點世說補卷之二

磨石甚奇，匡坐

劉云：說磨石甚有情致。

劉云：失其書禮。

劉云：不足為言。

王云：六朝貴族，每病輒云散動，以為佳，往往死而不悟，蓋金石。

作部使磨石，武帝至尚方觀，作者見植，匡坐正色，磨石武帝問曰：石何如？植因得喻，已自理，而對曰：石出荆山懸巖之巔，外有五色之章，內含下氏之珍，磨之不加瑩，雕之不增文，稟氣堅貞，受之自然，顧其理枉，屈紆繞而文帝問曰：卿不得申，帝顧左右大笑，即日赦之。

何以不謹於文憲？植答曰：臣誠庸短，亦由陛下網目不疎。

魏志曰：帝諱丕，字子桓，受漢禪，按諸年，病亡，後七年文帝乃即位，而謂植得罪，黃初之時，謬矣。

何平叔云：服五石散，非唯治病，亦覺神明開朗。

魏略曰：何晏，字平叔，南陽宛人，漢大將軍進孫也，或云何苗孫也，尚主，又好色，故黃初時無所事，任正始中，曹爽用為侍中，尚書主選舉，宿舊者多得濟拔，為司馬，宣王所誅，秦承祖，寒食散。

○補何尚書自言易義精了，所不解者九事，一日迎

管公明共論，公明為剖析玄旨，九事皆明。

輅字公明，平原人，容貌麗醜，無威儀，而嗜酒，輅別傳曰：輅明周易，聲發徐州冀州刺史裴徽與

秀才，謂曰：丁鄧二尚書有經國才，略於物理，無不精也，何尚書神明清徹，殆破秋毫，君當慎之。

自言不解易中九事，必當相問，比土洛宜善精其理，輅曰：若九事皆至義，不足勞思，若陰陽者，精之久矣，輅至洛陽，果為何尚書問九事，皆明，何曰：君論陰陽，此世無雙也。

時鄧玄茂亦在坐，魏略曰：鄧玄茂，南陽人，鄧禹之

後也，少得士名，明帝時為中書郎，與

論曰：寒食散之方，雖出漢代，而用之者寡，靡有傳焉，魏尚書何晏首獲神效，由是大行於世，服者相尋也。

七占士說補卷之二

李勝等為浮華友。事發被斥。後遷侍中。尚書為
人。好貨。許臧艾。以顯官。艾以父妾與颺。京師為
之語。曰。以官言君見。謂善易而語不及易中辭。
易富。鄧玄茂。言君見。謂善易而語不及易中辭。
義何也。公明尋聲答言。夫善易者。不論易尚書
含笑贊之。曰。可謂要言不煩。

○補

孫討逆吳志曰。孫策字伯符。討逆將軍。既定豫章。還饗將

士。謂虞仲翔吳志曰。虞翻字仲翔。會稽餘姚人。

有高志。年十二。客有候其兄者。不過翻。翻追與
書曰。僕聞虎魄不取腐芥。磁石不受曲針。過而
不存。不亦宜乎。曰。孤昔再至壽春。見馬日磾三

客得書奇之。曰。孤昔再至壽春。見馬日磾三

州士大夫會言。我東方人多才耳。恨學問不博。

語議有所不及。孤意猶謂未爾。卿博學洽聞。故

前欲令卿一詣許。交見朝士。以折中國妄語兒

卿不願行。便使張子綱吳志曰。張紘字子綱。廣

地江東。孫策創業。遂委質焉。與張昭並與參謀

常令一人居守。一人征討。江表傳曰。權於羣臣

張紘曰。其字唯呼張昭曰。張公也。恐子綱不能結兒

輩舌也。吳書曰。紘見構。榴。槐。愛其文。作賦。陳琳

所作。後紘見陳琳。作武庫賦。應機論。與琳書。深

歎美之。琳答曰。自僕在河北。與足下隔此。間率

少於文章。易為雄伯。故使僕受此過差之譚。今

景興在此。足下與子布在彼。所謂小巫見大巫

神氣盡矣。

○補

李令伯常聘吳。吳主與羣臣汎論道義。因言寧為人弟。令伯曰。願為人兄。吳主問何。願為兄。令

伯答曰。為兄供養之日長。吳主及羣臣稱善。華陽

國志曰。李密字令伯。犍為武陽人。祖光。宋提太守。父早亡。母何氏更適人。密養於祖母。治春秋左氏傳。博覽多所通涉。機警辯捷。事祖母以孝。聞其侍疾。則泣涕側息。日夜不解帶。膳飲湯藥。必自口嘗。本郡禮命。不應。州辟從事尚書郎。

○補

王渾平吳之日。晉書曰。王渾字玄冲。太原晉陽人。父景。魏司徒。渾沉雅。有器量。以平吳功封二千石。江陵侯。位至司徒。登建業宮醜酒。既酣謂吳人

曰。諸君亡國之餘。得無戚乎。時周子隱答曰。漢

末分崩。三國鼎立。魏滅於前。吳亡於後。亡國之

戚。豈唯一人。王大有慚色。虞預。晉書曰。周處字

勳。吳裨將軍。處入晉為御史中丞。多所彈糾。不避彊禦。齊萬年反。以建威將軍西征。臨陣慷慨奮不顧命。遂死於戰。

魏明帝為外祖母築館於甄氏。魏本傳曰。帝諱

太子。以其母廢。未立。為嗣。文帝與俱獵。見于母鹿。文帝射其母。應弦而倒。復令帝射其子。帝置弓泣曰。陛下已殺其母。臣不忍復殺其子。文帝曰。好語動人心。遂定為嗣。是為明帝。魏書曰。文昭甄皇后。明帝母也。父逸。上蔡令。烈宗即位。追封上蔡君。嫡孫象襲爵。象薨。子暘嗣。起大第。車

駕親自臨之。既成自行視謂左右曰館當以何為名。

侍中繆襲曰文章叙錄曰襲字熙伯東海蘭陵人有才學累遷侍中光祿勳陸

下聖思齊於哲王罔極過於曾閔此館之興情

鍾舅氏宜以渭陽為名秦詩曰渭陽康公念母也康公之母晉獻公之

女文公遭驪姬之難未反而秦姬卒穆公納之

公康公時為太子贈送文公于渭之陽念母之

不見也我見舅氏如母存焉按魏書帝於後園

為象母起觀名其里曰渭陽然則象母即帝之

舅母非外祖母也且渭陽為館名亦乖舊史也

李卓吾批點世說新語補卷之二

